

# BON DIA *Aruba*

Diahuebs 29 di Oktober 2015 [www.bondia.com](http://www.bondia.com) Email: [noticia@bondia.com](mailto:noticia@bondia.com) Tel: 582-7800 Fax: 582-704

*"Aruba; un cocktail di hende y cultura"*

## Periodista di Amigoe ta skirbi buki multicultural: We are Aruba



Aruba ta un cocktail di hende y cultura. E ingredientenan ta para garantia pa combinacion sorprendente y interesante di smaak, holo y colo. Autor Linda Reijnders, periodista di e corant "Amigoe" a expone otro nacionalidad riba e isla den e rubrica Aruba Cocktail semanal-

mente pa dos aña consecutivo cu a resulta den un serie impresionante cu potret cu ta tanta bo imaginacion.

Un bista peculiar di e comunidad y cultura colorido, poni hunto den un buki cu ta keda publica tanto na Hulandes como na Ingles. Se-

ñora Reijnders a entrevista mas di setenta habitante di e isla, entre otro e doño di e scol di salsa Colombiano, Basel Sabbagh di Siria, e consul di Israel y e kitesurfer di Slowakije Branislav Rafaj. Di mes e buki ta cuminsa cu un bista den e cushina di un señora Arubiano. Impulsa pa su interes personal y pasion pa hende y cultura e autor ta tuma e lesado na su man y ta recorri e isla cun'e pa medio di combersacion fascinante: E cuentanan personal, e salida di su propio pais y e speranza

riba un futuro nobo.

We Are Aruba ta un buki pa lesa y pa mira aden. E potretnan y ilustracionnan ta papia pa nan mes, mescos cu e cuentanan yen di amor skirbi pa Reijnders. E buki bunita diseña aki ta un documento cu nos por mishi cun'e cu ta duna un imagen hopi bunita di e pueblo Arubano y su multiplicidad. E autor ta hopi gradici na e sponsornan di e buki; Prins Bernard Culturfonds, Unoca, Ministerio di Turismo, Transporte, Sector Primario y Cultura, ATA,



Atsa y Amigoe. E version na Hulandes ta obtenibel for di awor na entre otro libreria Plaza Bookshop, Bruna, De Wit y Van Dorp (Mainstreet Oranjestad, Vandorp Dakota & aeropuerto). E bukinan na Ingles ta na benta for di fin di october na e mesun librerianan y tambe na otro luga di benta manera hotel. Na Hulanda We are Aruba ta wordo ofreci riba e website [bol.com](http://bol.com), [scholtnuitgeverij.nl](http://scholtnuitgeverij.nl) y otro canal di benta

